

北京日報 第二百册 代表人朱淇

論說

二月十五日

論臺諫之議裁

朱淇稿

自壽陸兩總憲有請裁御史之奏而編修劉廷琛為請代奏以駁之王御史步瀛則又以為應增竊以為凡言裁官皆不免於招怨則壽陸兩總憲之為人所駁也固宜雖然照今日之言官而論或受賄賣指者有之或頑固無識妄言亂政者有之其中人之質則安靜緘默已稱賢者矣欲求直諫敢言開通遠者實亦寥寥不多見也此等言官即裁盡亦何足惜但以爲巡城等缺已裁言官優差漸少不如裁省員缺俾朝廷少養數十元此則所見亦小未足以服今日議裁之言官也查外國立憲爲治寄耳目於議院是以全國人之耳目爲耳目也故雖無御史而隱蔽之弊自不能生我國專制數千年君上一人之耳目必不能徧照故設言官以補助之此亦不得已之辦法也但全國地方遼濶京師衙署繁多區區數十言官即人人公忠明察亦豈能照察無遺乎即極力糾彈亦不過糾其萬分之一耳況今之言官又公忠明察者無幾也如是則言官在所應裁矣雖然今日憲法尚未立議員亦未備朝廷之耳目無所寄留此數十言官以求其糾察助朝廷一線耳目之光明若並此而無之則隱蔽者不愈隱蔽耶如是則言官雖在可裁之列而今日實有不能遽裁之勢也竊以爲今之言官宜整頓不宜裁汰將各衙署之公事分責言官專司查察如有不公不法隱蔽朝廷者必須糾參如係該言官所專司查察之衙門而有弊端爲該言官所未察糾者則重治其扶同隱蔽之罪如糾劾得實則加該言官以不次之賞如彈劾虛無則坐該言官以妄言之罪賞罰嚴明則言官自勸於爲善如是則於朝廷耳目亦未嘗無一隙之補惟今之言官多一查察之差事則多一索賄之地步如御史查旗謂之優差蓋其所查之旗該旗參佐領等必扣剋該旗兵丁之口糧以餽御史故凡得有查旗差事者每年皆例進數百金如是則所謂查察者皆不能查弊而多一作弊索賄之御史誠不如裁去此御史之爲愈矣雖然人無賞罰則不勸言官之所有作弊而不能查弊者亦由於朝廷賞罰之不嚴明耳況言官清苦多有貧不能自給者亦安能責之以忍饑而爲賢者乎今欲整頓言官非厚籌

津貼不可長安居大不易言官既爲朝廷耳目所寄每人每歲至少亦應有二千金之入方足以養其廉衣食令其能給然後重賞重罰以勸懲之雖中下之人亦當有願作好官之思想俟他日憲政既立議員布列朝廷之耳目衆多裁判改良人人便於訴控然後當事之人無權作弊至此而科道乃可以裁撤即將科給御史改爲檢事官蓋外國之檢事官其職掌亦與我國之御史糾給相去不遠者也

要緊新聞

商部奏請鐵路派員○日前陝甘大吏籌築兩省鐵路經與商部妥商事已就緒現在舉辦伊始辦理需人故日昨商部奏請簡派大員總理一切以專責成

奏陳籌撥防邊經費○阿爾泰地處邊隅非認真防守不足以資戒備現經錫恆悉心籌畫議定一切防守事宜并應如何籌撥經費等情日昨已具奏到京該摺已交部議

請飭嚴懲藉教狡賴○河南巡撫陳小帥近有咨文到外部署謂軍員范紹曾置買地畝匿不稅契旋經發覺始投入教會逞兇狡賴欺侮上司特符發展當經奏參革職歸案審辦各省如有如此之案請通飭照辦以儆官邪云云

教士戕官案十四誌○侍讀學士惲毓鼎日昨上一摺奏係條陳江西教案辦法宜爭先着等語摺上奉 旨外務部知道即日已由軍機處行知外務部矣

教士戕官案十五誌○外部委派海關道梁觀察敦彥前赴南昌查辦教案已紀前報茲再查悉梁觀察於十三日由津來京即日親到外部請示各堂官如何辦法然後赴贛庶有主腦云

教士戕官案十六誌○廷議以南昌縣江召棠大令此次被教士戕害以致因傷斃命殊堪憫惜聞已 旨着交部從優議卹并一面電知贛撫俾安撫其家屬云

電復聘用洋員事○駐京義使保薦達裴祿爲中國赴義賽會委員經部電商駐義黃使在案現據黃大臣復電謂達裴祿尚未回國應俟其回國察看如何再行商辦云云

拍賣物品請送與博物院○日前中國赴黎萊斯賽會所帶赴賽物品存餘在比者尙多前經飭總稅司籌議運回抑或拍賣茲據該稅司覆稱此項物品拍賣與運回均不上算不如贈送博物院以爲紀念云云

本京新聞

學部搜求教科書籍○學部現參訂中小學教科書特出示訪查刊行之本及私家著述以期改良其示云爲出示曉諭事照得本部現擬將中小學堂各種教科書及教授法參考書等詳加審定擇其善者頒發各省以便劃一學制凡書肆刊行之本及私家編輯稿本均可隨時郵寄本部呈請審定爲此出示曉諭俾衆週知特示

警部擬練消防隊○內城工巡局雖設有消防隊惟祇在東城一隅不敷救應現聞巡警部堂意擬添練若干遍佈內外城以備火警之用

中德商約要聞○中德商約去年在滬開議德領事所送條款係屬德文商約大臣覓人譯漢無敢應者旋向外商兩部商議程部郎遵堯往譯約稿外部未允其後乃令唐君撫萱前往而德領所開各款頗費磋商未幾德領因病回國議遂中輟迄今尙未續議聞法意比荷諸國皆以德約爲方針故亟盼德約早成其他當可迎刃而解也云

成均學堂示考學生○成均高等學堂去冬曾考取學生數十名現已歸併學部刻又出招招考從前舊業學生及新傳到未傳到各生速取其同鄉京官印結報名於十五日考試入學肄業

中俄議約餘聞○傳聞俄國擬於會議時再加條款二則照登如左(一)松花江及烏頓河沿域之林木事業當由中俄二國合辦(二)中國須償還俄國在煙台海面爲日本捕去之魚雷艦一艘又在某海灣沈沒之魚雷艇一艘

議擬調查商業○閩商部各堂議商前經派員飭往湖北及東三省調查商業已經本部存案所有未經調查各省應即委員前往務將各埠商人新創各種廠業詳細列表以憑查核擬於三月間即可派往矣

師範班擬添科學○探聞八旗高等學堂新設師範班所定課程爲經學史學中文算學理化圖畫教育體操八堂每堂各以一小时計現該堂監督以簡易師範學期僅祇一年擬將經史各堂量加刪減以便多餘鐘點再爲增添科學

學部議編女學教科書○學部擬編教科書早誌本報日前各堂官會商俟審訂教科書時飭另編輯女學教科書發給各省女學堂以期振興女學而歸劃一

新甯開埠先聲○廣東鐵路公司已由陳宜禧等稟辦由商部代表奏政務處覆准奉 旨允准在案現聞陳總辦昨有電致商部聲明新甯鐵路即於二月杪在該縣設立鐵路公司辦理購地開工事宜並聞陳君之意擬俟鐵路開車後請

將該處作為通商埠以利交通而興商務

電請禁止偷挖礦砂○聞庫倫辦事大臣日前有電到外務部畧云前奉部飭令嚴禁外人在庫倫一帶偷挖礦砂當即派員查勘出示嚴禁乃現在偷挖之事仍復時有所聞一再阻止均置不理請亟照會各該國駐京公使諭禁并請電示遵辦

請發給梁家山開礦執照○皖商鄭贊宸以該省廣德州屬梁家山煤礦甚富曾請本省試行採挖獲利頗豐現又籌集股本一百萬元以備加工開採已於日前具稟商部立案并請發給礦照以興實業而保利權商部已允其所請矣教士置業照例納稅○外務部日前通咨各省督撫嗣後不准各洋人在內地置買產業即教士置買產業須按照本國入例納稅

各省新聞

擬請設郵電專部○(湖北)張香帥欲請政府設立郵電專部內容如何現尚未曾議定聞不日即欲咨行駐劄各國欽使致查各國設立專部情形詳細咨告

山西自辦鐵路決議○(山西)山西官商決議自辦本省鐵路從太原府直達紫荊關再出宣化以與京張鐵路相接現正在籌集資本

四川商務總會創辦賽會告示○(四川)照得川省地大物博出產豐盈第以整頓無方商務因無起色前經創設商會以來商情漸知聯屬昨又於新繁縣地方開辦城隍鄉會勸諭提倡頗見振興而青羊宮花會之期轉眼將屆若能變通整頓亦將來東西各國賽珍博覽之初基惟商會尚在萌芽各行商人難自斷結非由官紳倡率不足以宏開拓而示整齊查東西洋各會章程須於定期之前先行佈告俾各國工商人等皆得各携物產比賽觀摩現當試辦之初擬就本省地方招集赴會俾各屬粗才美術皆得各効所能其市場陳列地段已由局勘查情形酌量劃分茲擬定今年二月開會先期一月由公家派人前往會場預為佈置凡與會商人屆期親赴該處陳明掛號以便指定地段預備陳列合行示諭為此示仰闔省商民人等一體知悉預於二月初五日以前各將各處所有天然製造品類以及植物動物各項運赴會場比附陳列既可以暢利銷路亦可以研究藝業從此改良進步必可大闢利源准於十一日為開

會之期至三月初十日停止除詳明督憲並將會場一切規則妥議刊布仍由公家派員常川駐會以便保護維持並行移請警察總局添派員兵彈壓本司道為振興工商起見仰即一體遵照共襄盛舉本司道有厚望焉母違此示鄂督有派員赴粵之消息○(湖北)鄂督張宮保日前接江督周玉帥電詢云粵官紳為鐵路事衝突公對此有何善策可否派員前往調停云云聞宮保擬派歐陽觀察傑會同袁海觀察京兆赴粵辦理云

考試備補新兵○(直隸)保定東關外陸軍第三鎮日前招來備補兵丁業已分撥各營安置聞其中有文理通順者甚多當經統制傳諭該兵等各赴標署出題考試預備補充學兵以示優異

查飭礦產報部○(安徽)皖撫誠果帥日前接准商部咨開安徽省真開晉康煤礦公司並已辦之五華山煤礦暨租賃繁昌縣境之李家冲銅山龍泉山南陵縣境之官塘冲金山水龍山宣城縣境之西覺團鳳凰山山西山等處請分別聲明報部以憑核辦等因當經果帥札行商務局飭即查明稟候轉報

海門徵兵之踴躍○(江蘇)海門地方初辦徵兵經梁伯通直刺聯合學界商界竭力提倡以故就徵者頗為踴躍現復添設支局二處一在久隆鎮一在長樂鎮皆為紳董經辦不支薪水飯食初設之日前往報名者即有五六百人各鎮市店舖門首皆懸掛紅旗兩面大書恭賀兵士四字於上所徵之兵大都熱心愛國顧惜名譽之士由各兵士公定自治章程十五條共相遵守云

裁兵募勇概章○(廣東)粵省裁兵七成已一律照辦茲聞議定各屬裁兵後招募巡勇所需薪水先行籌墊俟善後局在提存緝捕經費項下如數撥還其衣旂等項即照詳定緝捕營勇章程自行製備隨後冊報歸欵式樣則各屬就近各營勇仿製已由參謀處通行各屬遵照矣

記商務總會議定分任董事○(江蘇)上海商務總會於上年年終時經全體會員投票選舉議董十九人舉定謝君綸輝李君雲書虞君洽卿周君金箴周君舜卿施君子英祝君蘭舫陳君潤夫嚴君筱舫蘇君寶森邵君琴濤劉君柏生樊君時助袁君聯清丁君欽齋袁君詠笙孫君蔭庭陳君子琴為議董本年正月二十一日復經各議董會議分任監理會中各事現經議定以蘇君寶森祝君蘭舫為會計議董監察會內收支各項欸目凡五十兩以上者非經總理及會計議董簽字不得支付會計司事應於每禮拜將帳目呈會計董查核孫君蔭庭施君子英為書記議董監察會內往還電文公牘書札收發條陳諸事徐君雨之虞君洽卿周君舜卿陳君潤夫為庶務議董監察會內庶務及

對於會外接待官場諸事周君金箴李君雲書謝君綸輝劉君柏生陳君子琴爲理案議董監理錢債料葛詞訟諸事
嚴君筱舫邵君琴濤爲調查議董監察調查商業及各業入會分別會員會友冊籍現在嚴君因事在津中全體議董
公認嚴君之子子均爲代表丁君欽齋袁君聯青爲糾儀議董專司議事時會室內規則樊君時勛袁君詠笙爲中證
議董監察各商契券合同作証諸事如此條分縷晰監理有人想會中諸務必更蒸蒸日上矣

各國新聞

俄國占領蒙古○(俄國)桑港電云據聖彼得堡來信俄國收蒙古東部二州爲其管轄現在其前哨軍自土耳其斯
坦向西藏國境附近前進云此消息未知確否
華工得力○(美國)路透電云開鑿巴拿馬運河總工程師聲稱開河工程以用華工爲最相宜且最爲得力他國人
所不及也

俄國議發駐守黑龍江○(俄國)大阪每日新聞得倫敦來電云聖彼得堡斯來華報載稱俄國政府因懼中國謀
占黑龍江一帶之土地故議發西比利亞軍隊前往駐守俄國此舉不過欲藉爲中俄議約時強行要索之地耳實則
中國在黑龍江並無此等舉動也

法議員之演說○(法國)德京電云法議員演說云據聞德軍之鎗砲均屬惡劣我法國武員教演軍操精而且熟與
異於德軍云云然該員演說時正值議院核算度支之際殊爲失當

倡捐鉅款○(英國)英大臣森納爾係曼森公所首領現先捐一千磅以爲籌辦賑濟日本難民捐款之倡
波蘭亂事○(俄國)近來俄國波蘭地方亂氛甚熾所有監禁之亂匪自定餓斃之罪後伊等將監獄攻破盡行逃出
并隨處搶掠店戶

日艦赴美○(日本)日本東鄉大將擬帶裝甲巡洋二艘於西歷四五月間赴美國及姆斯頓之水陸軍賽會
巴拿馬地震損失之調查○(美國)美洲地震損毀巴拿馬運河工程已紀前報現美政府接巴拿馬電云此次地震
較往時甚烈巴拿馬河之工程損失甚鉅兩岸坍塌多處必須兩月之久方可將損失之處修補完竣
議准養老費○(法國)法國所定工人養老費經由議院核准

法兵撤退○(法國)法國現在廣西龍州等處駐屯軍兵定于中歷二月晦間一律撤退云云(譯大阪每日新聞)
美國炮隊之艱苦○(美國)美國炮隊由甘薩(譯音)省之羅拉列炮台起程以三十五日步行至梯沙斯(譯音)
省之善侯士頓炮台路程約一千英里查太平時炮隊鮮有行此遠路者該砲隊於途次忽遇大雨道路難行將至
距善侯士頓砲台之九十英里地方又遇風雪凍斃一人迨到砲台人疲馬倦各人衣服皆破爛矣
德皇出遊○(德國)德皇定於本年陽四月遊歷西班牙國擬再就德赴希臘國觀四年期博覽會後與英皇在地中
海相會

調查

日本三十九年分歲入歲出總豫算表
歲出經常部

(續)

三〇〇〇〇〇〇〇

| | |
|---------|--------|
| 皇室費 | 六七二五一 |
| 外務省所管 | 二四一二九 |
| 外務本省費 | 四六八一 |
| 俸給及諸給 | 一〇 |
| 廳費 | 一〇 |
| 修繕 | 一〇 |
| 死傷恤賜費 | 一〇 |
| 賠償及訴訟費 | 一〇 |
| 旅費 | 一七八四 |
| 雜給及雜費 | 一五二八三 |
| 雇傭外國人諸給 | 一〇〇〇〇〇 |
| 電信料 | 四〇〇〇〇〇 |
| 宴會費 | 五〇〇〇 |

常設仲裁判所費

在外公館費

修給及諸給

應費

修繕費

賠償及訴訟費

旅費

雜給及雜費

匯備外國人諸給

裁判及囚徒費

登記用紙及公告費

在外國僑民取締費

地所家屋借用費

電信料

宴會費

在外國僑居中難民救恤金

墓地管理費

在外國留學生費

機密事務費

一三五四
共計一六九五〇二

一二三八九三三

一五九七二四

三八四〇一

一〇

一〇五二三四

七〇七三六

三〇六八二

一〇四四九

五〇八

一三〇一八四

一六九四五二

七一三七四

六三四八〇

一一

一〇二

九〇〇〇

二〇〇〇〇〇

共計二二九八三五一

外務省所管合計二四六七八五三

(未完)

宮門抄

二月十四日戶部 宗人府 正白旗值日

內務府引

見五十一名

棍貝子因伊子謝賞輔國公銜花翎

恩

趙秉鈞謝授太常寺卿

恩

毓朗良泰各假滿請

安

召見軍機

趙秉鈞

上諭

二月十四日奉

上諭張曾敭奏查明浙江各屬田禾被災請將應徵地漕等項分別蠲緩一摺上年浙江杭州等屬田禾因被水旱蟲潮致受損傷收成歉薄及歷年沙淤石積尚未墾復各田地塘若將應徵地漕照常徵收民力實有未逮加恩著照所請所有仁和等二十州縣歉收各田地與富陽等十四縣及杭衢二所沙淤石積各田地塘應徵光緒三十一年分地丁等項正耗錢糧漕白等項米石暨學租銀兩分別蠲免緩徵其收成減色之餘杭等縣及杭嚴嘉湖等衛所與歙收沙淤各州縣未完各年舊欠暨原緩帶徵地漕各銀米均著遞緩一年徵收以紓民力該撫即按照單開各屬州縣田地塘頃畝分數應蠲應緩銀錢米石各細數刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道欽此

上諭崇善代奏黃少春假期屆滿病勢益重懇請開缺等語福建水陸提督黃少春著准其開缺回籍調理洪永安著補授福建水陸提督迅赴新任未到任以前著馬金叙暫行署理欽此

上諭此次內務府三院等處京察一等圈出人員著該堂官再行出具切實考語帶領引見圈出之堂主事重英主事全福筆帖式文瑞有慶泰雲增山英紳錫麟增祺漢章廣霖常堪晉昌寶鑄長海多蔭恩藻昌祐振麟文通榮桂立順上駟院主事多斌筆帖式錫齡武備院委署庫長崇祿筆帖式繼勳奉宸院筆帖式清桂圓明園六品苑丞恒勛八品院副世貴頤和園六品苑丞榮來璽善筆帖式玉福均著交吏部記名照例選用所有一等官員筆帖式武達他等均著准其一等加一級不到之員外郎全善著該衙門照例辦理至年已逾歲之員外郎文瀾等均著照舊供職欽此

批摺摘由

二月十三日政務二件

工部奏覈覆務省蘭儀榮澤兩縣光緒三十一年歲修等工動用銀兩 知道了 政務處奏議覆署黑龍江將軍程德全奏變通八旗挑補官缺章程以興學務 旨依議

二月十二日

內務府奏十五日 奉先殿大祭溥儀行禮事 旨知道了 又奏十八十九日為馬致祭請 派員行禮事奉 旨派出英瑞 又奏察哈爾坐補護軍校等缺事 旨知道了 又考校功過事奉 旨知道了 中正殿奏十五日進 養心殿吟嘯喇嘛名牌事 旨知道了 達林奏請開復前將軍銘安處分奉 硃批銘安着准其開復降調處分欽此 又各屬旗戶地畝查有成數升科濟餉 戶部知統單併發 希廉京察文職各員 該衙門知道單併發 溥儀奏副都統魁福請假起程日期奉 旨知道了 又協領額勒渾暫署察哈爾副都統 着照所請該衙門知道

奏

稿

尚書銜福州將軍兼管閩海關稅務兼署閩浙總督奴才宗室崇善跪 奏為閩海關歸併新關各口徵收光緒三十一年十一月分常洋兩稅先提匯滙備還第五十一期賠款銀兩恭摺仰祈 聖鑒事竊照案准外務部咨和議第六款賠款以通商口岸之常關改歸新關兼管續准戶部電以洋貨足抽五免稅之貨完稅常關歸稅司兼辦增收稅銀暫按每月收數提解滙滙等因計自光緒二十七年十月第一期起至三十一年十月第五十期止業經先後酌提滙解恭摺 奏報在案茲提解第五十一期備還賠款銀兩奴才謹照案先就歸併新關之福州廈門三都各口所收三十一年十一月分常稅項下酌提銀五千兩又於洋稅項下酌提銀三千兩備具文批於三十二年正月初十日發交號商源豐潤承領匯解均限定二月初一日內解赴江海關道投納以為第十一期賠款之需除分咨外務部戶部查照外合將閩海關福州廈門三都各口歸併新關所收三十一年十一月分常洋兩稅銀兩提款解滙緣由謹恭摺具 奏伏乞

皇太后

皇上聖鑒謹 奏奉

硃批該部知道欽此

崇善片 再查案准戶部咨議奏閩浙總督許應驤奏閩省舊有藥釐現擬添撥攤派賠款係為洋債緊要先其所急起見自可照擬辦理應請 旨飭下福州將軍即將閩海關福州廈門二口歲徵洋藥釐金在於應解閩省稅釐局銀二

十九萬兩內從二十八年正月月起每月提銀二萬兩按期匯解江海關以備添還賠款奉 旨依議欽此咨行遵照前來業經先後籌撥至光緒三十二年正月止分別 奏咨報解在案所有三十二年二月分銀兩仍應循案先行匯滙謹就洋藥釐金項下設籌銀二萬兩作為閩海關應解稅釐局光緒三十二年二月分藥釐解滙撥抵閩省第五年第三期新案賠款之需填具文批於三十二年正月初十日發交號商源豐潤承領匯解限定二月初一日內解赴江海關道投納以副要需除 咨報解外合將閩海關洋藥釐金項下撥解稅釐局光緒三十二年二月分藥釐解滙劃抵閩省第五年第三期新案賠款銀兩緣由謹附片具 奏伏乞 聖鑒謹 奏奉 硃批該部知道欽此

山西巡撫臣張人駿跪

奏為遵

旨查明口外防軍統領被參各款據實覆陳仰祈

聖鑒事竊臣承准軍機大

臣字寄光緒三十一年九月二十四日奉

上諭有人奏口外防軍滋擾浮收短發並有釀命縱盜情事請飭查辦一

摺著張人駿按照所參各節確切查明據實具奏毋稍徇隱原摺著抄給閱看將此諭令知之欽此遵 旨寄信前來

臣當即檄委候補道劉敬修前往會同署歸綏道曹受培按照原參各節逐一確查去後茲據該員等查明稟覆前來臣覆加查訪如原參山西口外總領軍統領候補知府陳政詩帶頭旗隊候補縣丞陸維圻管帶三旗馬隊補用守備曹鎮武盤踞鎮城酣酒治遊不修軍政一節查歸化城商賈雲集為口外各廳適中之地該軍統領及所帶之步隊第一旗向駐廳城係為居中策應起見守備曹鎮武管帶第二旗馬隊駐紮距城七十里之地各有分防地面並非同駐一城其帶頭旗隊之員查係試用巡檢陸維圻並非陸維圻先已撤差尚無劣跡陳政詩辦事認真平日尚知自愛明查暗訪實無酣酒治遊情事又原參該軍需用柴草料豆不按時價採買縱令二旗馬隊哨官楊殿雲張殿元等派兵在火燒地等村勒派橫索名曰號草號料限期送營違即鞭責收草千斤作五六百斤收料一石作六七斗且有官價名目按時價及四五成有時即官價亦分文不與每處號料至數百石號草至數十萬斤用剩變價上下瓜分百姓求減不可致蔚錦文王士珍聯合村眾赴廳道呈控一節查口外防營並無定買柴薪惟馬隊需用草豆向趁價賤之時先行定買約期交貨一經議定無論以後價值漲落均照原定數目算給原案所云號草號料殆即定草定料傳聞之偽即向存料之

家議價訂買自非勒派橫索可比村民送草赴營亦未聞有逾限鞭責之事上年十月火燒地村民蔚錦文王士珍因傳營中有短價折扣情事恐為本村之累赴廳具控業經歸化廳飭差往村查訪並出示曉諭務須平買平賣當時出名呈控僅祇蔚王二人并未聯合村眾亦未赴道具呈現經委員劉敬修等飭傳蔚錦文王士珍等到案親提訊問據供上年十月二旗馬隊哨官在伊王士珍村中定草三千斤每斤價錢十文料三石每斗一千二百文在伊蔚錦文村中定料二石每斗一千二百文後因收成歉薄王士珍過草一千斤料一石二斗蔚錦文祇交一石四斗價錢均如數收清并無短欠折扣又訊甲會趙存祥供稱伊所管二十餘村共定草二萬餘斤料三十石價已領訖不欠各等語哨官楊殿雲先因告假離營無從提質張殿元向充頭旗步隊哨官與此案無干惟曹鎮武係二旗馬隊營官有專管之責當復調到查詢據供與蔚錦文等大致相同再三究詰均未能指出該營短價浮收實據此外各村所買草料亦無每處數十萬斤數百石之多草料既乏餘存既無從變價其為並無上下瓜分尚屬可信草料價值隨時漲落該營于價賤定買如遇價貴交貨民間未免受虧旁觀亦知其定議在先但見與時價不同遂疑營中短扣指摘之來殆由於此又原案武川廳哈八旗村民李天元代村眾赴營交納草料弁兵任意減損斤石抑勒價值經村眾迫令該民再赴營中理訴弁兵不容置喙喝令細打情急吞煙身死屍妻李氏控告到廳統領陳政詩多方彌縫不將哨官弁兵交出懲辦轉賄買屍妻息和不究一節查李天元向在本村董貴書家僱工上年十二月甲頭張維圖令李天元送草料赴營交納領回價錢一千文李天元私自花用張維圖向索李天元又將董貴書麥子一石偷償還後被董貴書查知向其開除僱工李天元愁急吞烟自盡經屍妻李氏報經武川廳集案訊明李天元實因私用草價盜麥子被人查知愁急自盡死由自取與人無尤因念李氏孤寡無依斷令該村甲會幫給埋葬錢文具結完案現復傳到李朱氏訊問供與原案相符並稱李天元送草到營弁兵並無細打村眾亦無迫令再往陳訴之事該氏委無得過營中銀兩實諸甲頭張維圖曾往送草之車夫張二牛供亦靡異李天元自盡輕生與營中毫無干涉自無所用其賄利原委謂陳政詩多力彌縫賄買和息細查實無其事又原案頭旗兵丁楊聚勝白占英趙石林在歸化城內夥竊永順長皮房皮貨哨官吳姓坐地分贓後因竊破案該統領陳政詩竟將吳姓哨官藏匿不出託人向皮房說合照贓賠補先交銀四十餘兩所餘尾數該舖掌吳亮以屢催不交赴道撫上控一節查歸化廳城內水順長皮房係代州人張亮所開並非吳亮光緒三十年九月廿七日夜該皮房被賊竊去皮衣皮褲等件張亮投廳差緝未獲十月二十日營兵趙石林到皮房買貨張亮見其身穿皮褲認係所失原

贓向其詰問趙石林稱向同營兵丁楊巨盛即楊聚盛價買張亮赴營報知由哨長吳煜將楊巨盛送廳究辦訊供屬實楊巨盛又供出兵丁白占英夥同行竊其時白占英已因事斥革經統領陳政詩查明飭拏一面將哨長吳煜棍責摘頂勒令照失贓數目賠銀四十六兩送廳給主其領由陳政詩稟經前撫臣張曾敭批飭將楊巨盛永遠監禁並嚴緝革兵白占英務獲究辦嗣據事主張亮上控哨官吳煜侵贓徇庇並有寄存李姓銅鋪皮衣數件迄未起交請予澈究又經前撫臣飭據歸化廳傳集張亮吳煜及開張銅鋪之李忠桂環集質訊吳煜實無知情分贓罰賠銀兩已如數給領清楚李姓銅鋪並無寄頓贓物實係張亮懷疑誤認取甘結通詳銷案印覆具在可考而知現經委員劉敬修等復查並傳集一千訊明均與當日稟詳無異趙石林所得皮褲據稱係向楊巨盛價買質之楊巨盛供亦相同如其知情夥竊豈肯身穿此褲赴皮房買貨自取敗露其為並未夥同行竊倘屬可信此案營兵行竊哨官被控該統領均已交出訊辦倘非庇匿不交原奉所云匿不交出似屬傳聞之誤臣伏查陳政詩被參各款現經委查明確或併無實據或事出右因陳政詩自統軍以來訓練巡防不辭勞瘁所統馬步各隊計共七旗之多分防邊隘遠至二千餘里一人精力有限稽察或有未周現雖查明併無袒兵擾民情事而於營兵夥竊未能先事覺察咎實難辭相應請旨將候補知府陳政詩交部察議守備曹鎮武聲名素劣因恤民艱外委吳煜紀律不修任兵為匪均請即行革職以肅軍政而儆官邪除分飭廳營務將在逃革兵白占英獲案併究並飭各營嗣後購買草料務須按照時價公平交易不准稍有抑勒所有查明陳政詩等被參各款緣由理合據實恭摺覆陳伏乞 皇太后 皇上聖鑒訓示謹 奏奉 硃批著照所請該部知道欽此

戶部謹 奏為核覆省兵馬錢糧奏銷恭摺具陳仰祈 聖鑒事升任山西巡撫岑春煊片奏山西省光緒二十五年兵馬錢糧奏銷一案光緒二十八年三月二十八日奉 硃批該部知道欽此欽遵由內閣抄出到部據原片內稱山西省光緒二十五年兵馬錢糧奏銷前據調任布政使李廷簫詳經前撫臣恭疏具題茲准通政司將前項本章遞回遵章補奏覆查舊管撫標太原大同二鎮暨太原右衛綏遠駐防存剩倉斗共糧四十八萬七千七百六十九石二斗八升五合九勺草六千一百五十九束四分四釐新收奉撥撫標太原大同二鎮暨太原右衛綏遠各駐防官兵俸餉共銀六十萬八千三百八十七兩二錢五分二釐倉斗糧一十萬九百七十七石零開除撫標左右二營太原大同二鎮暨太原右衛綏遠各駐防官兵俸餉及筆帖式家口馬匹糶粟米豆草折價共支銀六十一萬五千三百二十兩五錢三分糧一十

一萬八千三百五十五石六合九勺實在截至光緒二十五年十二月底止不敷銀六千九百三十四兩二錢七分八釐內有綏遠城駐防官兵俸餉米折等銀五千三百一十二兩五錢九分一釐因口外各廳地租未經解到先由該同知庫墊款動支應俟地租解到再行收歸墊其餘不敷銀一千六百二十一兩六錢八分七釐在于司庫節年建曠銀內動給存剩糧四十七萬三千七百七十二石一斗三升七勺內有已入清查案內追補糧四萬九千三百七十二石九斗四升一勺仍請歸清查案內辦理又偏關縣前署知縣劉蘭皋丁嘉琳甯武縣病故知縣高松年五寨縣前署知縣崔曉然前任知縣張書紳前任甯化廳巡檢金培等虧短糧二萬七千二百三十三石六合一勺業經另案奏查辦存剩草六千一百五十九束四分四釐除冊咨送部科查核外遵章補奉等語臣等督飭司員按冊查核舊管標太原大同二鎮並太原右衛各駐防共糧四十八萬七千七百六十九石二斗八升五合五勺草六千一百五十九束四分四釐均屬相符新收銀六十萬八千三百八十七兩二錢五分二釐糧一十萬九百七十七石零檢查光緒二十四年地丁奏銷冊造預撥光緒二十五年兵餉銀一十六萬一千六百一十兩五錢七分八釐光緒二十五年地丁奏銷冊造撥入該年兵餉銀四十一萬兩共計地丁項下撥歸兵餉銀五十七萬一千六百一十兩五錢七分八釐今兵馬冊內多收銀三萬六千七百七十六兩六錢二分二釐其因何數目不敷應令詳細查明聲覆又查光緒二十五年地丁奏銷冊造收入撫標並太原大同二鎮暨太原滿營報銷糧六萬七千二百四十五石六斗二升八合三勺又大朔二府糧石奏銷冊造撥給綠營就近支食米豆一萬三千九百四十五石九斗七升二合六勺以上共糧八萬一千一百九十一石六斗九勺今兵馬冊內多收糧一萬九千七百一十五石三斗零臣部考核數目亦不相符應令將兵馬奏銷列收糧石各數目分晰查明一併詳細核算數目相符應准開銷查冊造核扣減成銀九萬二千一百二十七兩六錢六分又扣減平銀三萬八千二百二十七兩九錢一分八釐其所扣減平銀兩入於何年何季冊內原冊並未聲叙應令查明專案聲覆至扣收各營裁兵節省俸餉米豆草折於籌款存儲銀兩前經臣部于題覆該省兵馬奏銷案內聲明以此項節省銀兩與議覆該省練軍章程及十五年議覆練軍收支各款案內數目不符奏令聲覆嗣因日久未覆迭經臣部先後兩次勒限奏催各在案現尚未據該省查明聲覆應令該撫轉飭藩司迅即查照臣部前次奏咨各案趕緊聲覆俟聲覆到日再行核辦再查兵馬奏銷案內實存銀兩某年實存銀若干造入何年何季冊內報撥按年分晰開具清單報部查核迄今仍未報部實屬玩延應令山西

巡撫迅將兵馬案內各年實存銀兩開單報部查核其本年實在不敷銀六千九百三十四兩二錢零查有綏遠駐防官兵俸餉米折等銀五千三百一十二兩五錢九分一釐因口外各廳地租未經解到先由該同知庫墊款動支應俟地租解到再行收歸墊其餘不敷銀一千六百二十一兩六錢八分七釐在于司庫節年建曠銀內動給存剩糧四十七萬三千七百七十二石一斗三升七勺草六千一百五十九束四分四釐臣部核與應存數目相符至本案內應扣建曠銀兩應令另造簡明總冊一本送部查核其實存糧內有已入清查案內追補糧四萬九千三百七十二石九斗四升一勺應請仍歸清查案內辦理又前署偏關縣知縣劉蘭皋等虧短糧二萬七千二百三十三石六合一勺應令各歸各案分別辦理有應追繳者趕緊追繳應買補者迅即買補以重倉儲而裕兵食又存剩糧石除酌留外其餘儘數報部出糶以免霉變又查武職罰俸各案應令該撫查照兵部原咨在於各該員等應得俸銀內照數查扣年終報部核銷並將扣過銀兩造入季冊報部撥用再此案前經該省造冊送部當經臣部將原冊片送兵部查核官兵馬匹數目是否與經制相符旋據兵部覆稱光緒二十五年官兵馬匹冊未據造送業經咨行該省補送將原冊先行送回俟該省補送到日再行咨取等因並經臣部咨催各在案查此案迄今日久未便懸候臣部先行覆奏俟該部咨收到日再行核辦所有臣等核銷緣由謹恭摺具陳伏乞 皇太后 皇上聖鑒謹 奏光緒三十一年十二月二十七日奉 旨知道了欽此

順天府 奏為恭報京師十一月分錢糧價值繕具清單恭摺具陳仰祈 聖鑒事竊查京城地面糧價價值向由臣衙門按月奏報歷經辦理在案茲據大興宛平兩縣將十一月分各項錢糧價值開報前來臣等按單逐一查核均較上月稍減理合繕具清單恭呈 御覽伏乞 皇太后 皇上聖鑒謹 奏謹將京城十一月分銀糧價值繕具清單恭呈 御覽糧價 京米每倉石價銀四兩八錢 較上月同 老米每倉石銀三兩七錢 較上月減二錢 稔米每倉石價銀三兩四錢 較上月減一錢 小米每倉石價銀三兩七錢 較上月同 麥子每倉石價銀三兩二錢 較上月同 高粱每倉石價銀二兩 較上月同 黑豆每倉石價銀二兩二錢 較上月減二錢 錢價 市平元寶銀一兩合當十大錢六千七百七十七文 較上月減九十文 市平俸祿銀一兩合當十大錢六千五百七十文 較上月減九十文 市平元寶銀一兩合小制錢一千零四十文 較上月同 市平俸祿銀一兩合小制錢一千零二十文 較上月同

文苑

燕中

慶博如來稿

修說燕昭重禮賢高臺荒落沒秋煙黃金能用無愁巨夕照微奇亦足傳（金台夕照爲京八景之一）入市何曾來駿馬
勒銘猶復想燕然荆卿死後風都弱大野星飛易水寒

涿州

九重城闕彩雲旁天下通衢盡此方帝子名都尊涿鹿英雄遺宅重桃莊河梁日落初停騎沙漠雲連古戰場夾馬營中
龍父起鎬豈一樣是樓桑

濟南

乘風獨自下蓬萊小謫人間此舉杯地有江南好風景人從終古產天才東連海岱煙雲壯西望秦齊帝業開七十二泉
都品遍大明湖上泛槎來

芝罘

懷古何勝一浩然登樓霄漢望常懸赤輪曉出扶桑日黑豆遙來海客船秦帝有碑空墮水漢家多事在求仙天留遺孽
除難盡鼓鑄誰銷番面錢

沂州

千年沂水尚流清匹馬東來感慨生岱岳南分人物秀琅琊西望暮山橫一朝文字崇喬梓萬古忠貞仰弟兄太息不聞
曾點瑟至今沙草有餘聲

晉中

晉陽城上弔秋風終古人才蓋世雄孤雁北來穿代朔太行西去接河東金元世業荒煙外虞夏山河落日中千頃波濤
無一語汾流南下劇忽忽

秦中

咸陽一望動新愁渭渭無情日夜流邊土歷朝防白馬仙人從古跨青牛諸陵草木阿房火兩漢宮廷破瓦礫獨立鴻門
亭外望斜陽明滅華山秋